

公

羊

墨

史

公羊墨史序

墨者何墨守也何邵公志也何以史  
史者公羊所短也左氏史與子公羊  
經學據所短也石渠三科九旨七  
等辨說淺深抉畔乎史也公羊之  
經長有不盡長者也公羊之史

短有不盡短者也故曰史也子聖  
而僭執理而迂尚異而鑿逞臆  
而誣揚美而溢實摘瑕而傷鏗  
以羊不免也夫說春秋之史不  
失在淺而失在深者忘乎其  
為史也史可信然後經可說也

以羊之義如孔子正色立朝宗  
襄傳位先正仇牧不畏彊禦史  
之粹者也挫之則異也如祭仲廢  
立行權季姬遇防請己叔術  
妻嫂稱賢史之駁者也經之蟲  
也義不傳事詳於經而義未必

當故曰以羊短於丈蓋救短之  
難也然則墨史有合者乎曰有  
祭什為犯亦不終也陽處父為  
晉殺不密也潞子為善而躬止  
不善也紀叔姬歸鄆為葬於  
邲不失節也宋襄非文王戰也

沙隨執大夫非以幼不耻也以其屈  
完賤得臣褻受盟貶自敗也凡  
此者皆合也救也他或約而擇之  
奇而通之恢而奇之旋而幹之出  
入利鈍亦說史之常也至若張三  
世存三統錯綜條例抉剔異同鈎

索詳密有所未逮然亦淺之失而  
死失在深也無害乎其為史也  
胡母師法亂於莊顏玉杯繁露  
隱奧難繼景伯緣隙高密操  
戈公羊家言久焉鄉音絕苟有  
作者曷可廢也且邵公志也作

之者誰明桐鄉明經周拱辰也  
傳之者誰其七世孫廣文桂也  
道光乙巳吳縣吳鍾駿序



公羊墨史序

舍三傳以言春秋後儒之失也春秋  
天子之事也以孔子之聖不得用於定  
哀之世退而託史文以垂法百王蓋其  
筆削之旨微矣而幸傳於子夏之門公  
羊穀梁是也二家之說同者十七八即  
先師所授間有違異各尊所聞六皆

有大義存焉非是則無以知春秋而  
唐宋以來傳注多不屑師承前人求  
其義例徒掇拾左氏事蹟臆決是非  
而曰經意當爾筆墨馳騁好辨而已  
故其詞愈煩而義愈晦嗟乎自周室  
既衰王者之迹熄春秋作而亂賊始沮  
其後諸侯爭富強蔑道德訖秦而六

藝之文燔焉漢興七十餘載乃立學  
校之官罷百家推明孔氏實自廣川  
董子始建明之董子治公羊者也言  
於武帝曰春秋謂一為元者視大始  
而欲正本也故為人君者正心以正朝  
廷正朝廷以正百官正百官以正萬  
民正萬民以正四方四方正遠近莫敢不

壹於正而止有邪氣奸其間者孔子  
謂魯大夫曰政者正也子帥以正孰敢  
不正孟子曰一正君而國定矣董子之  
言猶孔孟也今讀孟侯周先生之書  
於成公會吳於鍾離申傳言自近者  
始之意謂必魯自治而後可以治天下  
故始之有貴其始也先生之言猶董子

也宣公初稅畝冬蠶生傳曰幸之也幸  
之者何猶曰受之云爾先生申之曰幸  
之者非幸其不為災也若曰微此王  
心其不悟乎山崩兔舞以示天警而  
夏商卒止桀紂之心不受也斯義也  
又同於董子之言災異者天心之仁  
愛人君而欲止其亂也而且推原至

隱以時君之心受不受為治亂之本  
至哉言乎是其明於天人相與之際  
將上下勤恤用保人民自貽哲命撥  
亂世反之正夫孰有先於此乎先生  
生丁明季高才不仕鼎革後避迹  
邛園抱遺經以終老以視董生遇  
益窮矣其治公羊不為句解字析有

特見大義則書之文體簡古一同乎  
傳凡一百四十事為上下二卷名曰  
墨史殆取繩墨誠陳不可欺以曲直  
也觀其察時勢而為進退本人情以  
定褒貶義正而言厲真若有繩墨之  
陳也者間釋文義如傳言澌移以為  
澌水灌邾田澌隨田而移也於解詁言

隨水而移者更推明一義百金之魚公  
張之不用罔罟舊說而以張為射則  
與臧僖伯之言合他類此甚衆近時  
治公羊者孔氏通義劉氏條例盛行  
於世惜皆未及見先生書而參證之  
蓋藏棄二百年先生七世孫歸安學博  
桂治為刊行學博之猶子士烟士炳郵



書大梁乞為序儀吉受而讀之不啻  
如韓子遺殷侍御書所謂鄙心策急  
者願與同學之士好之樂之聖經賢  
傳張而明之有日矣乃若曹羈三諫  
其君不聽而去傳以為賢先生責其  
不能格君臨敵而去之雖曰見幾不  
恕乎哉齊人降鄆傳謂為桓公諱

先生曰紀止二十八年矣所謂頑民  
之義桓恚取之魯不能救書曰齊人  
惡其盡也夫子欲存鄆以存紀也其  
說皆與傳相違此其故國遺民之言  
也蓋雖義殊於公羊而道合於春秋  
嗚呼是又可以見先生之志也夫  
道光丙午仲冬里後學錢儀吉謹序

公羊墨史目錄

古樵李周拱辰孟侯著

男

宋蝶菴手纂

孫男

元釜銘五  
雲杼湘雲

校正

卷上

隱公

元年春王正月

夏五月鄭伯克段于鄆

三年秋武氏子來求賻

冬癸未葬宋穆公

四年秋翬帥師會宋公陳侯蔡人衛人伐鄭

五年春公觀魚于棠

九月考仲子之宮

初獻六羽

六年春鄭人來輸平

七年夏城中丘

桓公

二年春王正月戊申宋督弑其君與夷及其大夫孔父

夏四月取郟大鼎于宋

三年秋七月壬辰朔日有食之既

五年春正月甲戌己丑陳侯鮑卒

六年秋八月壬午大閱

七年春二月己亥焚咸丘

八年春正月己卯烝

十有一年九月宋人執鄭祭仲

十有四年夏五

秋八月壬申御廩災

十有八年春王正月公會齊侯于濼公夫人姜氏遂如齊

莊公

元年三月夫人孫于齊

冬王使榮叔來錫桓公命

齊師遷紀邢鄆郟

三年秋紀季以鄆入于齊

四年夏紀侯大去其國

六月己丑齊侯葬紀伯姬

冬公及齊人狩于郟

八年夏師及齊師圍成成降于齊師

九年夏公伐齊納糾

八月庚申及齊師戰于乾時我師敗績

九月齊人取子糾殺之

十有二年春王三月紀叔姬歸于鄆

秋八月甲午宋萬弑其君接及其大夫仇牧

十有三年冬公會齊侯盟于柯

十有七年春齊人執鄭瞻

夏齊人濊于遂

十有八年秋有暵

二十年夏齊大災

二十有四年秋公至自齊八月丁丑夫人姜氏入

冬戎侵曹曹羈出奔陳

二十有七年秋公子友如陳葬原仲

二十有八年臧孫辰告糴于齊

二十有九年春新延廡

三十年秋七月齊人降鄆

冬齊人伐山戎

閔公

元年冬齊仲孫來

二年夏五月乙酉吉禘于莊公

秋八月辛丑公薨

僖公



元年秋七月戊辰夫人姜氏薨于夷齊人以歸

十有二月丁巳夫人氏之喪至自齊

二年夏五月辛巳葬我小君哀姜

庚師晉師滅夏陽

四年春王正月公會齊侯宋公陳侯衛侯鄭伯許男曹伯侵蔡蔡潰遂伐楚次于陘夏楚屈完來盟于師盟于召陵

齊人執陳袁濤塗

七年夏鄭殺其大夫申侯

八年春王正月公會王人齊侯宋公衛侯許男曹伯陳

世子款鄭世子華盟于洮鄭伯乞盟

九年九月戊辰諸侯盟于葵丘

十年春晉里克弑其君卓子及其大夫荀息

夏晉殺其大夫里克

十有四年夏六月季姬及鄆子遇于防使鄆子來朝

秋八月辛卯沙鹿崩

十有五年九月己卯晦震夷伯之廟

十有一月壬戌晉侯及秦伯戰于欒獲晉侯

十有六年春王正月戊申朔賈石于宋五是月六鷁退

飛過宋都

十有八年五月戊寅宋師及齊師戰于顛齊師敗績

十有九年夏六月己酉邾婁人執郟子用之

二十年五月乙巳西宮災

二十有一年冬楚人使宜申來獻捷

二十有二年冬十有一月己巳朔宋公及楚人戰于泓

宋師敗績

二十有三年春齊侯伐宋圍緡

二十有八年春晉侯侵曹晉侯伐衛

夏四月己巳晉侯齊師宋師秦師及楚人戰于城濮楚

師敗績

冬晉人執衛侯歸之于京師

三十有一年春取濟西田

夏四月卜郊不從乃免牲猶三望

冬杞伯姬來求婦

三十有三年夏四月辛巳晉人及姜戎敗寨于穀

卷下

文公

二年二月丁丑作僖公主

冬公子遂如齊納幣

五年春王正月王使榮叔歸含且賵

六年冬晉殺其大夫陽處父晉狐射姑出奔狄

八年冬公孫敖如京師不至復丙戌奔莒

九年冬楚子使椒來聘

秦人來歸僖公成風之襚

十有二年秋秦伯使遂來聘

冬十有二月戊午晉人秦人戰于河曲

十有四年冬單伯如齊齊人執單伯齊人執子叔姬

十有五年夏齊人歸公孫敖之喪

宣公

元年夏晉放其大夫胥甲父于衛

六年春晉趙盾衛孫免侵陳

十有一年冬十月楚人殺陳夏徵舒丁亥楚子入陳納  
公孫甯儀行父于陳

十有二年春楚子圍鄭夏六月乙卯荀林父帥師及楚  
子戰于邲晉師敗績

十有五年夏五月宋人及楚人平

六月癸卯晉師滅赤狄潞氏以潞子嬰兒歸

冬蝮生

十有八年冬歸父還自晉至榿遂奔齊

成公

二年秋七月齊侯使國佐如師己酉及國佐盟于袁婁  
八年春晉侯使韓穿來言汶陽之田歸之于齊

十有二年春周公出奔晉

十有五年冬十有一月叔孫僑如會晉士燮齊高無咎  
宋華元衛孫林父鄭公子鮪邾婁人會吳于鍾離

十有六年六月甲午晦晉侯及楚子鄭伯戰于鄢陵楚  
子鄭師敗績

秋公會晉侯齊侯衛侯宋華元邾婁人于沙隨不見公  
公至自會

曹伯歸自京師

九月晉人執季孫行父舍之于招丘

十有七年十有一月公至自伐鄭壬申公孫嬰齊卒于

狸軫

襄公

元年春仲孫蔑會晉欒黶宋華元衛甯殖曹人莒人邾  
婁人滕人薛人圍朱彭城

二年冬仲孫蔑會晉荀營齊崔杼宋華元衛孫林父曹  
人邾婁人滕人薛人小邾婁人于戚遂城虎牢

三年六月戊寅叔孫豹及諸侯之夫夫及陳袁僑盟

五年夏叔孫豹鄆世子巫如晉



九年春宋火

十有一年春王正月作三軍

十有二年春王正月莒人伐我東鄙圍台季孫宿帥師  
救台遂入運

十有九年春取邾婁田自漵水

二十有五年十有二月庚子謁伐楚門于巢卒

二十有七年夏衛殺其大夫甯喜衛侯之弟鱗出奔晉

二十有九年春王正月公在楚

夏庚子使札來聘

三十年秋七月叔弓如宋葬宋共姬

冬晉人齊人宋人衛人鄭人曹人莒人邾婁人滕人薛人杞人小邾婁人會于澶淵宋災故

昭公

元年春叔孫豹會晉趙武楚公子圍齊國弱宋向戌衛石惡陳公子招蔡公孫歸生鄭軒虎許人曹人于澶夏秦伯之弟鍼出奔晉

四年秋七月楚子蔡侯陳侯許男頓子胡子沈子淮夷伐吳執齊慶封殺之

九年四月陳火

十有八年夏五月壬午宋衛陳鄭災

十有九年冬葬許悼公

二十有一年夏宋華亥向甯華定自陳入于宋南里以  
畔

二十有三年七月戊辰吳敗頓胡沈蔡陳許之師于雞  
父胡子髡沈子楹滅獲陳夏齧

二十有五年秋齊侯唁公于野井

定公

元年春王

三月晉人執宋仲幾于京師

四年冬十有一月庚午蔡侯以吳子及楚人戰于伯莒

楚師敗績

八年冬盜竊寶玉大弓

十有三年冬晉趙鞅歸于晉

哀公

三年春齊國夏衛石曼姑帥師圍戚

四年夏晉人執戎曼子赤歸于楚

六年秋齊陽生入于齊齊陳乞弑其君舍

七年秋公伐邾婁八月己酉入邾婁以邾婁子益來

八年春王正月宋公入曹以曹伯陽歸

十有三年夏公會晉侯及吳子于黃池

余七世祖孟侯公著作甚富有莊子影史離騷草木史聖雨齋詩文集久已刊刻爲世所推許外有公羊墨史二卷乃公晚年所著也今課餘之暇輒開卷尋繹雖未能得其要妙而議論之精詳文詞之古雅自有不可磨滅者在因付梓人以質世之治公羊者道光二十有三年癸卯秋八月七世孫桂謹跋于歸安學舍

公羊墨史卷上

古樵李周拱辰孟侯著

同邑

陸時雍仲昭

評點

張履祥考夫

七世孫

杰 桂 榮 榦

八世孫

士士士士士士士士  
焯燮熊照煌煜炯炳  
士士士士士士士士  
焯煥烜取燿炯煦燿

校刊

隱公

元年春王正月

傳。元年者何。君之始年也。公何以不言卽位。成  
公意也。公將平國而反之。桓。桓幼而貴。隱長而卑。  
其爲尊卑也微。國人莫知。隱長又賢。諸大夫拔隱  
而立之。隱于是焉而辭立。則未知桓之將必得立  
也。且如桓立。則恐諸大夫之不能相幼君也。故凡  
隱之立。爲桓立也。隱長又賢。何以不宜立。立嫡以  
長不以賢。立子以貴不以長。桓何以貴。母貴也。子  
以母貴。母以子貴。

隱之立爲桓立也。先君之意乎。諸大夫之意乎。抑隱自  
己之意乎。謂先君之意也者。其初意爾。借隱之立以爲

不謂卽位  
春秋之曰  
其明諸傳  
皆被他職  
過于年始  
夜于今始  
且矣

桓地則非先君意也。謂諸大夫之意也。者國人莫知矣。  
長且賢矣。宜君而君之。念不及此也。謂隱自己之意也。  
者諸大夫扳而立之。不能主也。隱亦安容探先君之邪。  
志強諸大夫也。者而立之。且也。立子以貴。不以長。隱之。  
欲讓也。則有辭矣。豈更有羣公子焉。駕桓上者乎。其曰。  
恐諸大夫之不能相幼君也。夫固曰。子以母貴矣。何幼。  
君之有故。隱卽欲讓讓之初。可耳。其曰。國人莫知。何不。  
明告諸大夫。與國人而蚤自引也。且曰。莫知吾君之子。  
也。而莫知乎。矯讓以市節。而卒爲孽。公子買焉也。宜也。  
傳曰。君子大居正。盡之矣。



夏五月鄭伯克段于鄆

傳。克之者何。殺之也。殺之則曷爲謂之克。大鄭伯之惡也。母欲立之。已殺之。如勿與而已矣。

語曰。弟不中道。則兄事之。君子之兄事弟也。養其敬也。鄭伯之兄事弟也。養其罪也。優游寬假。以聽其自斃。而徐起收之。伯之圖段也。忍矣。忍于弟。猶可言也。忍于母。不可言也。故曰大鄭伯之惡也。

三年秋武氏子來求賻

傳。武氏子者何。天子之大夫也。其稱武氏子何。譏何。譏爾父卒。子未命也。何以不稱使。當喪未君。

誅鄭伯之心故曰克

也。武氏子來求賻。何以書。譏何。譏爾喪事無求。求賻非禮也。

禮曰。君子不家于喪。請班諸兄弟之貧者。况王畿之出。猶足備禮乎。天王以令下者也。而曰求。不可聞于天下矣。且求賻而命新喪之子。又奪喪也。兩譏之。

冬癸未葬宋穆公

傳。葬者曷爲或日。或不日。當時而日。危不得葬也。何危爾。宣公謂穆公曰。以吾愛與夷。則不若愛女。以爲社稷宗廟主。則與夷不若女。盍終爲君矣。宣公死。穆公立。逐其二子。莊公馮與左師。勃曰。爾

聖人不違  
乎人情  
誠為禍之  
本也

為吾子。生毋相見。死毋相哭。終致國乎與夷。莊公  
馮弒與夷。故君子大居正。宋之禍。宣公為之也。  
父子兄弟。天性一爾。宣之授弟。篤親親矣。繆公即不欲。  
負兄何至。逐其子而恨。恨乎。訣語也。無乃實矯焉。而故  
以其子忍乎。忍。生怨。怨。生乖。乖。生無常。其曰君子大居  
正。宋之禍。宣公為之也。余曰。君子大居正。與夷之禍。繆  
公為之也。

四年秋。翬帥師會宋公。陳侯。蔡人。衛人。伐鄭。

傳。翬者何。公子翬也。何以不稱公子。貶。曷為貶。  
與弒公也。于鍾巫之祭焉。弒隱公也。

隱可謂非  
乃成拙

題眼在一  
湖字連非  
所重

于鍾巫之祭焉。弑隱公。或曰以起淫祀之無福也。始何以賂尹氏焉而得免。終何以館窩氏焉而不得免。非猶是鍾巫者乎。愚謂隱公之禍胎于以妾禮葬子氏而發于羽父之求太宰于鍾巫之祭焉。無與也。

五年春公觀魚于棠

傳。何以書。譏何譏。爾遠也。百金之魚。公張之。

左言矢魚。此曰觀魚。以矢之者爲觀也。禮季冬命漁師始漁。天子親往射魚。又曰非以爲祭也。則君不射。公張之者何。張之所以觀之也。百金之魚。而君射之乎。非以爲禮也。以爲觀也。故曰公觀魚于棠。以刺公也。其曰遠

而不可遠而不可如近而可乎。

九月考仲子之宮

傳。考宮者何考。猶入室也。始祭仲子也。桓未君。則曷爲祭仲子。隱爲桓立。故爲桓祭其母也。

仲子者何。桓母也。或曰非桓母也。惠公之母也。然據隱公葬子氏以妾禮。則享桓母以夫人。固應耳。子儼然主也。而取他人之母祭之。視史何以致詞。祭者何薦其敬也。薦其美也。非味享也。己之母以逆餒而他人之母以諂飽仲而有知來食乎。

初獻六羽

學之儀情  
無擊避處

始僭始厲  
說本數衆

傳○初獻六羽○何以書譏○何譏爾○譏始僭諸公也○  
僭諸公○猶可言也○僭天子○不可言也○

僭諸公○猶可言○僭天子○不可言○卽始僭樂始厲樂之說○  
寬之也○寬之者○何以甚○成父之惡也○

六年春鄭人來輸平

傳○輸平○猶墮成也○何言乎墮成○敗其成也○吾與  
鄭人○未有成也○狐壤之戰○隱公獲焉○然則何以不  
言戰諱獲也○

狐壤之獲○隱辱國矣○辱國宜死○隱何以不死○苟能死也○  
有桓在焉○抑尙幼也○而忍死○以待乎○其後受鄭邴盟包

和  
行語若冰

來○一○月○而○載○取○卻○防○種○種○不○肖○刃○在○其○頸○矣○稱○鄭○人○以○  
人○魯○也○魯○甚○焉○爾○

七年夏城中丘

傳○中○丘○者○何○內○之○邑○也○城○中○丘○何○以○書○以○重○書○  
也○

脩○中○丘○而○曰○城○中○丘○城○也○者○無○異○乎○城○之○也○龍○見○火○見○  
有○常○役○矣○其○曰○夏○城○中○丘○城○中○丘○也○而○于○夏○乎○愛○百○姓○  
乎○中○丘○也○故○曰○以○重○書○也○九○年○夏○城○郎○亦○如○之○

桓公

二年春王正月戊申宋督弑其君與夷及其大夫孔

其情微妙  
以公羊子  
神似

父

傳○及者何累也○何以書賢也○孔父可謂義形于色矣○其義形于色○奈何督將弑殤公○孔父生而存○則殤公不可得而弑也○故于是先攻孔父之家○殤公知孔父死○已必死○趨而救之○皆死焉○孔父正色而立于朝○則人莫敢過而致難于其君者○孔父可謂義形于色矣○

色見乎外  
義根乎內  
以色滿宋  
實以義滿  
宋也雖然  
以色化民

聲○色○辭○氣○者○君○子○之○與○也○氣○欲○以○取○之○治○其○氣○以○治○人○也○莊○以○蒞○之○治○其○色○以○治○人○也○語○曰○夫○執○介○冑○而○能○拒○敵○者○非○聖○人○之○所○貴○也○君○子○顯○之○服○而○勇○奮○者○消○其○志○



宋也君子  
必慎于無  
色之先

公羊墨史

卷上

六

于貌也。伯玉以身藩衛。子產以言藩。鄭孔父以色藩。宋其致一爾。

夏四月取郕大鼎于宋

傳。此取之宋。其謂之郕鼎何。器從名。地從主人。器之與人。非有卽爾。宋始以不義取之。故謂之郕鼎。至于地之與人。則不然。俄而可以爲其有矣。然則爲取。可以爲其有乎。曰否。若楚王之妻媢。無時焉可也。

宋以不義取之。謂之郕鼎。魯以不義取之。將何名焉。然則爲取。可以爲其有乎。爲取。取鼎也。蓋非其有者。終不

無時意  
十分醒透  
十分典雅

類上添毫

名○有○有○非○真○也○。○可○以○郟○有○之○。○可○以○宋○有○之○。○可○以○魯○有○之○。○  
而○有○無○時○。○宋○可○取○之○郟○。○魯○可○取○之○宋○。○復○可○取○之○魯○。○而○取○  
無○時○。○故○曰○若○楚○王○之○妻○媚○。○無○時○焉○。○可○也○。○齊○桓○可○以○妻○諸○  
姑○。○楚○何○不○可○妻○諸○妹○。○然○而○有○者○。○終○不○名○有○也○。○德○之○昏○亂○  
雖○大○輕○也○。○故○君○子○愛○鼎○。

三年秋七月壬辰朔日有食之既

傳○既者何盡也

既者何盡也。盡也者。盡而不盡也。幾幾乎危之矣。

五年春正月甲戌己丑陳侯鮑卒

傳○曷爲以二日卒之。愆也。甲戌之日亡。己丑之

日死而得君子疑焉。故以二日卒之也。

兩日並書者何。或以為再赴焉。或以為不知死之日。而包舉之焉。此以為鮑之狂。脩春秋者疑之焉。余謂天有再旦。日有再中。生有再生。死有再死。秦謀絳市之魂。死六日而復蘇。再生也。

六年秋八月壬午大閱

傳。大閱者何。簡車徒也。何以書。蓋以罕書也。

按時事以論

非時而大閱。以脩鄭也。其脩鄭奈何。北戎之役。齊使魯餼諸侯之戍者。魯以周班後鄭。鄭太子忽以其有功也。怒魯懼。故備之也。非時而閱。當時而不閱。可知也。十年

而有郎之戰。鄭怒未怠也。鄭怒未怠。而魯之閔已怠矣。故曰以罕書。幸之也。亦危之云爾。

七年春二月己亥焚咸丘

傳。焚者何。樵之也。樵之者何。以火攻也。何言乎以火攻。疾始以火攻也。咸丘者何。邾婁之邑也。曷爲不繫乎邾婁國之也。曷爲國之。君存焉爾。

火攻之說前此矣。疾始以火攻。春秋之始也。君存焉而國之等。焚邑之罪于焚國重之爾。或曰焚咸丘。所謂燎于原也。司權氏變國火救時疾。其于季春秋出火內火。非乎。國失火。野焚萊。則有刑罰焉。火其野。虞衡詢之火。

火其野  
火其民  
火其故曰  
重之

其○民○國○君○問○之○火○其○君○天○子○諸○侯○弔○之○

八年春正月己卯烝

傳○烝者何○冬祭也○春日祠○夏日祔○秋日嘗○冬曰烝○常事不書○此何以書○譏何譏爾○譏亟也○士不及茲四者○則冬不裘○夏不葛○

正月祠以薦韭也○四月祔以薦麥也○七月嘗○十月烝○以薦黍以薦稻也○不失其時○所以奉先祖爾○春正月己卯烝○冬祭而春用之○不亦慢乎○或曰冬祭而遲之○春曠其冬矣○或曰春自有祭而設冬祭○曠其春矣○聖人之于鬼神也○畏之而不敢欺也○欺鬼而鬼食之○鬼食其欺乎○士

驚生妙手

不及茲四者。則冬不裘。夏不葛。惟士無田。則亦不祭矣。父母既沒。必求仁者之粟。祀之。仁者之粟。非得之公田。不可能乎。不裘。不葛。痛窮士之無春秋也。

十有一年九月。宋人執鄭祭仲。

傳。祭仲者何。鄭相也。何以不名。賢也。何賢乎。祭仲以爲知權也。其爲知權奈何。莊公死。已葬。祭仲將往省于畱。塗出于宋。宋人執之。謂之曰。爲我出。忽而立突。祭仲不從其言。則君必死。國必亡。從其言。則君可以生。易死。國可以存。易亡。少遼緩之。則突可故出。而忽可故反。古人之有權者。祭仲之權。

正論不刊

忠子始而  
不忠于終  
謂其知權  
可乎

是也

權也者。物乎。三才之紀。而不易居之名也。是故君子陰  
用而不以語人。其陰用而不以語人何也。恐其以手握  
刃之傷也。仲視突忽。不如弈棋。盟歆不如嬉笑。身執被  
辱。逐君首惡。不如尋常杯酒。不幾爲莽操者。蒿矢乎哉。  
其曰從其言。則突可故出。而忽可故反。令雍糾之謀得  
行。身死之不暇。而能保有忽乎。雖然。仲之始爲忽謀也。  
則已忠矣。齊之欲妻忽。以文姜也。固辭。仲曰。必取之。君  
多內寵。子無大援。將不立此言也。行其何有于宋氏之  
錫。吾故曰。仲之始爲忽謀也。則已忠矣。

傳神在阿  
堵中

十有四年夏五

傳。夏五者何。無聞焉爾。

春秋著以傳著疑以傳疑。元年有王。以其著之者治。桓也。夏五無月。以其疑之者治。桓也。春秋多微辭。殆此乎。無聞焉爾。所以尊聞也。若曰如彼聞焉者何矣。

秋八月壬申御廩災

傳。御廩者何。黍盛委之所藏也。御廩災何以書。記災也。

天火曰災。記災也者。記不警災也。書乙亥嘗。此志爾。

十有八年春王正月公會齊侯于濼。公夫人姜氏遂



如齊

傳。公何以不言及夫人。夫人外也。夫人外者何。內辭也。其實夫人外公也。

申。孺之諫。可爲婉切矣。而公不聽。公不外夫人也。而夫人實外公有人矣。哉。公何以數若不知也者。而遂之。縱淫拒諫。授首彭生。君子以天爲有知矣。

莊公

元年三月夫人孫于齊

傳。內諱奔謂之孫。夫人固在齊矣。其言孫于齊何。念母也。夫人何以不稱姜氏。貶曷爲貶。與弑公。

聖人隱微  
之旨和盤  
托出

也。念母者所善也。則曷爲于其念母焉。貶不與念  
母也。

念母也不與念母也。母可念也。妻不念夫。于子道乎。絕  
矣。則迎之而悅之乎。于郤矣。于樵矣。于祝丘矣。于齊師  
矣。于防矣。于莒矣。非惟不悅也。抑又甚焉。其曰與弒公  
也。夫孰知淫以辱子之甚。于與弒公也。他日而卒之。而  
葬之。又胡秩秩乎。夫人也。夫固曰。吾夫人也。用美焉。爾  
爲內諱也。然與。

冬王使榮叔來錫桓公命

傳。命者何。加我服也。其言桓公何。追命也。

無功而庸之。非勸也。已死而追命之。非制也。王嘉季歷之功。錫之圭瓚秬鬯。九命爲伯。君子猶或非之。况罪魁乎。或曰。以媚莊也。無故而旌其尸。以及其子孫。天朝之大典。以市乎哉。

齊師遷紀荊鄆郛

傳。遷之者何。取之也。

得闢而入  
欲滅其國。先促其封。似矣。按十一年夏五月戊寅。公敗宋師于鄆。鄆。魯地也。未有借他國之地以遷人也。然此以遷之者爲取。亦本其仇紀者言爾。魯地也。而齊何以取之。或曰。齊取焉。後入于魯也。

參一活筆  
更妙

自此論則  
灰口不得  
辨口如舊  
堯發立有  
延年一疏  
而漢廷爲  
之蕭然

三年秋紀季以鄒入于齊

傳。紀季者何。紀侯之弟也。何賢乎紀季。服罪也。

其服罪奈何。魯子曰。請後五廟以存姑姊妹。

禮曰。喪不慮居爲無廟也。况國祀乎。故紀季之存五廟。與箕子之抱祭器一也。雖然。鄒伯之鄒也。季而專之。擅也。勢方洵洵而先去。以爲民倡。是季子與伯爲難也。齊取我邦鄒郛矣。紀地幾何。而我又以鄒往。是益紀之孤。而張齊也。且傳固曰。何賢乎紀季。服罪也。季自服爾。伯何與焉。不成乎服罪也。且盜地以危君。貪生以辱祖。不成乎服罪。以甚齊怒。服罪焉。乃罪也。或曰。季之以鄒入。

也。伯實使之。春秋詭其詞。以子季所謂易其名。以有諱也。云爾然乎。

四年夏紀侯大去其國

傳。大去者何。滅也。孰滅之。齊滅之。曷爲不言齊滅之。爲襄公諱也。何賢乎襄公。復仇也。何仇爾。連祖也。哀公烹乎周。紀侯譖之。連祖者。幾世乎。九世矣。九世猶可以復仇乎。雖百世可也。家亦可乎。曰不可。國何以可。國君一體也。今紀無罪。此非怒與。曰非也。古者有明天子。則紀侯必誅。至今有紀者。猶無明天子也。有明天子。則襄公得爲若行乎。曰

不得也。不得則襄公曷爲爲之上。無天子。下無方伯。緣恩疾者可也。

水銀灌地  
無孔不入

九世猶可以復仇乎。雖百世可也。是使世人相殺無已也。故曰家亦可乎。不可以正之也。雖然。襄事禰祖之心盡矣。而非所以事周天子何也。哀公烹乎周。紀侯譖之。實天子殺之也。天子殺之。誰懟乎。且襄亦安知不心孤。紀而借罪焉。以逞其貪也。魯能倡義以救焉。襄或者恐天下之不直己。而有悛心。且伯姬吾女也。而徘徊不進。夫子致憾焉。故特書曰。冬。公次于郎。若曰。紀非齊滅之。魯滅之也。然則紀侯自去其國耳。國固紀侯之國也。齊

終不得而有之也。率一國之眾以衛九世之主。逐之不去。求之勿與。上下同心以俱死。而以是畢乎世。守而以是報乎先人。國固紀侯之國也。故書曰紀侯大去其國。紀侯自去國耳。國未始去紀侯也。明乎子紀侯以國也。

六月乙丑齊侯葬紀伯姬

傳○外夫人不書葬。此何以書。隱之也。何隱爾。其國亡矣。徒葬于齊。爾復仇者。非將殺之逐之也。以爲雖遇紀侯之殯。亦將葬之也。

魯不能救紀侯。豈其能葬伯姬。然齊葬伯姬。而嗣後不見書葬紀侯。其曰雖遇紀後之殯。亦將葬之也。然乎。或

曰伯姬之葬于齊。不如叔姬之葬于鄆。姑姊廟存焉。爾或曰叔姬之死于鄆。不如伯姬之死于紀。紀侯殯焉。爾冬公及齊人狩于郕。

傳○公曷爲與微者狩○齊侯也○齊侯則其稱人何○諱與讐狩也。

莊公知有  
豈而不知  
自父違之  
默不違矣  
築王姬之館于外以遠讐也。君子是之。此何遠與讐狩也。以爲彭生除而遂可泰然也。夫彭生非能殺君也。使彭生者殺之也。不覩夫九世之仇。猶不忘報乎于齊襄爲罪人矣。

八年夏師及齊師圍成。成降于齊師。



傳○成者何盛也○盛也曷爲謂之成○諱滅同姓也○曷爲不言降吾師辟之也○

曰次于郎○曰治兵○魯意在降成也○此曰成降于齊師何○益乎成固曰○魯吾宗也○而忍翦吾宗○與其輸魯也○寧輸齊爾○弱其宗以厚鄰○而又自食其惡○以笑于鄰○何益乎○嗣書曰○秋師還○不卒事而還也○功費于已○利享于人○愚矣哉○莊也○

九年夏公伐齊納糾

傳○納者何入辭也○其言伐之何○伐而言納者○猶不能納也○糾者何○公子糾也○何以不稱公子○君前

臣名也

齊欲迎糾而魯靳于之。齊迎小白而魯強致之。故曰納也者。猶不能納也。雖然魯卽能納糾矣。糾終不成乎。公子何也。糾之居齊也久。其亡于魯也近。且桓而先亡矣。亡則無由徇君討賊者。非糾其誰乎。聞難而奔有賊不討。豈惟雍廩之有愧。曾費與紛如之弗若也。故曰不成乎。公子也。何以不稱公子。君前臣名也。隱之爾。然則桓何以不稱公子。抗我也。且惡殺弟也。

八月庚申及齊師戰于乾時。我師敗績。傳。內不言敗。此其言敗何。伐敗也。曷爲伐敗復。

責以大義  
糾亦何辭

警也。此復警乎大國。曷爲使微者。公也。曷爲不與公復警。復警者在下也。

莊父之警九年矣。九年則猶未可以復乎。或曰。始隱忍焉。以有待也。諸兒狘。五公子爭立。非其時乎。曰。齊無君。不成乎復警也。則桓新立而勢未集。此其時與。然而不與公復警者。何。伐敗也。且言使微也。伐敗者何。所謂敗兵先敗而後求戰也。惡謀也。使微者何。喪路傳乘。幾不免矣。公實喪師而託言于使之不得其人也。爲內諱也。如是而復警。誰非復警者乎。納糾不得。且益恥焉。而以是假辭于先人。若曰。公實義舉而奈此卑微者敗。乃公

如分水屋  
如指上蠟

納則去其  
子不宜納  
也殺則子  
上不宜殺  
也聖人微  
言惟明眼  
到乃能見

也故曰復讐者在下也

九月齊人取子糾殺之

傳○其取之何內辭也○脅我使我殺之也○其稱子糾何貴也○其貴奈何宜爲君者也○

其稱子糾何貴也○其貴奈何宜爲君者也○猶之公子糾之說也○魯論仍魯史之舊耳○若稱公子則桓曷得殺之○桓而殺之是弑君也○夫子直書齊小白內之也○魯納糾外之也○蓋葬襄者桓討無知者桓而且長桓則宜君者也○故與小白以入齊○奪糾以公子直桓而削糾也○此竊取之義也○然則糾斷不宜君者乎○曰糾之子齊也可○

公羊傳卷上  
以君可以無君者也。猶之管仲之于糾，可以臣，可以無臣者也。既已越在他國矣，而借魯而逃死，是又可以殺，可以無殺者也。必欲殺之，又恐人之不直己，而嫁惡于魯，故夫子暴其惡而直書曰：齊取子糾殺之也。若夫忘殺父之仇，甘喪路之辱，不能納糾而又殺之，以行媚魯之非人久矣，又何足以責之。

十有二年春王三月紀叔姬歸于鄒

傳。其言歸于鄒何隱之也。何隱爾。其國亡矣。徒歸于叔爾也。

紀亡九年矣。至是而始歸于叔者何也。豈前此者大歸

難疑之際  
明辨析之

焉以待父母乎。抑與紀侯俱奔。至紀侯死而始歸。鄗乎歸于叔者。葬于叔者也。葬于叔奈何。姑姊之廟存焉。爾秋八月甲午。宋萬弑其君接及其大夫仇牧。

傳。及者何。累也。何以書。賢也。仇牧可謂不畏彊禦矣。萬嘗與莊公戰。獲乎莊公。歸反爲大夫于宋。與閔公博。婦人皆在側。萬曰。甚矣魯侯之淑。魯侯之美也。閔公矜此婦人。妬其言。顧曰。此虜也。爾虜焉。故萬怒。搏閔公。絕其脰。仇牧聞君弑。趨而至。手劍而叱之。萬臂擲。仇牧可謂不畏彊禦矣。萬搏閔公。絕其脰。人曰。獨吾君也乎哉。自非親暱。誰敢

聞以仇牧  
而得所死  
臣爲君累  
君以臣榮  
矣

任○之○仇○牧○曰○此○獨○非○吾○君○也○乎○哉○既○已○食○其○食○矣○又○安○  
所○得○治○君○而○死○之○當○是○時○知○必○不○勝○而○奮○然○罵○賊○甘○碎○  
首○焉○以○殉○手○劍○之○叱○何○異○萇○弘○之○納○肝○豫○讓○之○斬○衣○也○  
雖○然○閔○有○死○道○三○收○辱○虜○爲○臣○一○也○降○國○君○而○縱○博○二○  
也○矜○婦○人○而○善○妬○三○也○而○乃○有○不○畏○疆○禦○如○仇○牧○者○爲○  
之○死○猶○愈○乎○徒○人○費○石○紛○如○輩○之○爲○齊○襄○死○也○此○猶○閔○  
之○得○所○死○者○也○

十有三年冬公會齊侯盟于柯

傳○何○以○不○日○易○也○其○易○奈○何○莊○公○會○乎○桓○曰○寡  
人○之○生○則○不○若○死○矣○曹○子○曰○然○則○君○請○當○其○君○臣

請當其臣。于是會乎桓。莊公升壇。曹子手劍而從之。管仲進曰：君何求乎？曹子曰：願請汶陽之田。管子願曰：君許諾。桓公曰：諾。曹子請盟。桓公下與之盟。要盟可犯，而桓公不欺。桓公之信著于天下，自柯之盟始焉。

君請當其君，臣請當其臣。說者于曹子之手劍也，以不能之色，誚莊于管子之進答也。以不能之色，誚桓謂臣更當其君爾。周子曰：皆非也。吾于柯之盟，大魯之復地也。能雪恥也。大齊之懲忿也。能立信也。然吾不難管仲而難曹劌。吾又不難曹劌而難齊桓。吾又不難齊桓而



當時齊桓  
國而東  
之國皆為  
人以恩結  
之及其侵  
地所謂招  
虜以禮其  
以謀耳吾  
則難百也  
則亦何益  
哉難善北  
也難齊桓  
也難齊桓  
即以難齊  
即以難齊  
即以難齊

公羊學史

卷上

六

難魯莊曹劌之三北也。獻遂邑以和。當是時。勢岌岌乎。殆矣。長勺之役。氣稍振焉。安知不以小勝者怒齊。以自毒也。曹劌手一劍。復四百里之侵地。而談笑有餘。夫管子天下才耳。目桓而許諾也。其夙智也。故曰吾不難管仲。而難曹劌。齊之作內政。而寄軍令也。有中軍之鼓。有國子之鼓。有高子之鼓。三萬人以行天下。且柯齊地耳。其鍊卒咸在。呼左右而兵之。如縛孤彘耳。而許之。而盟之。而終子之。桓豈難一曹劌哉。夫固曰以四百里之地。市信于天下。猶吾地也。故曰吾不難曹劌。而難齊桓。桓公謂管仲曰。吾欲南伐。何主對曰。以魯為主。反其侵地。

仲也

堂○潛○使○海○于○有○蔽○渠○弭○于○有○渚○環○山○于○有○牢○夫○反○魯○侵○地○齊○君○臣○夙○謀○耳○又○何○躊○躇○之○有○若○夫○魯○之○不○競○也○久○矣○而○曰○寡○人○之○生○則○不○若○死○也○左○搏○桓○公○右○抽○劍○以○自○承○曰○魯○國○去○境○數○百○里○今○去○境○五○十○里○亦○無○生○矣○鈞○其○死○也○戮○于○君○前○當○是○時○天○地○亦○爲○色○動○况○桓○乎○三○戰○所○亡○一○朝○復○之○非○曰○其○臣○之○力○其○君○實○能○也○故○曰○吾○又○不○難○齊○桓○而○難○魯○莊○

十有七年春齊人執鄭瞻

傳○鄭瞻者何○鄭之微者也○何言乎齊人執之○書甚佞也○

侯于魯爲  
其逃來耳  
不逃鄭而  
逃魯將侯  
魯以叛齊  
乎既曰激  
者亦何能  
爲執之斯  
入之矣

罪必歸其  
主故不曰

書甚佞也。特佞于魯耳。且桓亦安能預料其必佞于魯也者而執之。瞻鄭之微者則非鄭之執政也。可知。若曰鄭卽有罪執其當事者可耳。瞻何與焉。且幽之盟鄭而既服矣。而又執其小臣。是疾惡無已也。且齊實主盟而奈何訓諸侯貳也。故人之以治齊也。非以治瞻也。僖四年齊人執袁濤塗。其曰稱侯而執者。伯討稱人而執者。非伯討也。卽此也。

夏齊人讎于遂

傳。讎者何。讎積也。衆殺戍者也。

衆殺戍者報復也。犯衆怒以滅人國。而又不戒以棄吾

遂入機齊  
八而口齊  
人機于遂

洪範五行  
傳感生于  
南極感淫  
亂之氣而  
生其文若  
哀矣有以  
有之乎

戊○然○則○非○遂○人○殺○之○也○其○君○實○殺○之○爾○書○之○惡○桓○也○

十○有○八○年○秋○有○眚○

傳○何○以○書○記○異○也○

氣○運○之○召○物○類○先○之○其○曰○有○眚○有○以○有○之○也○故○曰○記○異○也○

二○十○年○夏○齊○大○災○

傳○大○災○者○何○大○瘠○也○大○瘠○者○何○痢○也○外○災○不○書○

此○何○以○書○及○我○也○

民○之○病○君○之○病○也○民○瘠○而○君○瘠○矣○則○司○救○氏○存○焉○記○災○者○何○齊○不○恤○災○也○及○我○者○何○我○不○恤○災○也○

二十有四年秋公至自齊八月丁丑夫人姜氏入

傳。其言入何難也。其言日何難也。其難奈何。夫

人不可使入。與公有所約然後入。

兩難之者何難其妬也。未有奇妬而不奇淫者。與公有

所約。約遠嬪媵也。要其夫以遠嬪媵。而不自律以遠叔

嫂。何也以穉陰而能制三十五齡之老陽。可異也。曰入

者不許其入也。以爲金柅之繫可矣。

冬戎侵曹。曹羈出奔陳。

傳。曹羈者何。曹大夫也。戎將侵曹。曹羈諫曰。戎

衆以無義。君請弗自敵也。曹伯曰。不可。三諫不從。

婦之女壯  
而爲壯  
也於君  
子懼微

不合則去  
道其常也  
臨難而去  
徒爲身耳  
故必大書  
特書以儆  
人臣之不  
忠以事君  
者

遂去之。

大夫去國。何以書出奔。譚子奔莒。不書出奔。曰國已滅矣。無所出也。則此其有所出者乎。曰然大夫有事去國。田祿里居三年而後收之。冀其復也。若曰苟君有悛心。而呼召焉。猶是臣也。苟大夫有故君之思。而惠然復焉。猶是君也。故曰出也。然則言奔者何。不能格其君。臨敵而去之。雖曰見幾不愆乎哉。曰奔幾幾乎禍。隨其後之辭也。二十六年。書曰曹殺其大夫。猶是志也。夫

二十有七年。秋。公子友如陳。葬原仲。

傳。原仲者何。陳大夫也。大夫不書葬。此何以書。

季子去魯  
以存魯也  
如陳而後  
直至閔元  
年而齊季  
子來歸按

通乎季子之私行也。辟內難也。公子慶父公子牙  
通乎夫人以脅公。季子起而治之。則不與于國政。  
坐而視之。則親親因不忍見也。故于是復請至于  
陳而葬原仲也。

季子可謂善藏其用矣。觀其醜公子牙。縊公子慶父。胸  
卓有成畫而談笑治之。此時目已無二公子。則何必借  
葬焉以避也。曰以避姜氏也。何以避姜氏。二公子之通  
乎夫人。夫人通之也。以脅公。公子也。而能脅公乎。借夫  
人以脅公。夫人脅之也。當是時。季子守正自律。夫人實  
慚焉。與二公子謀之素矣。夫安知不短季于公而釋其

左傳莊公  
沒時季子  
在外去  
子外去  
而潛蹤  
往來其間  
故曰善藏  
其用

慚○以○中○其○嫉○乎○且○試○其○毒○可○以○殺○二○子○何○有○于○不○得○政○  
之○季○子○故○曰○以○避○姜○氏○也○去○陳○而○明○示○我○無○意○于○魯○矣○  
無○意○于○魯○而○更○無○煩○姜○氏○與○二○公○子○慮○焉○也○遠○舉○焉○以○  
相○其○變○而○徐○起○收○之○故○曰○季○子○可○謂○善○藏○其○用○矣○或○曰○  
他○日○季○子○君○命○來○歸○可○以○無○去○乎○曰○固○也○此○時○牙○新○斲○  
鄧○扈○樂○歸○獄○慶○父○與○夫○人○必○謀○之○益○疾○矣○季○雖○忠○亦○安○  
能○勝○握○二○十○八○年○兵○柄○之○慶○父○乎○哉○有○姑○洛○之○盟○而○季○  
子○來○歸○以○齊○臨○之○也○以○齊○臨○之○而○慶○父○與○夫○人○固○無○奈○  
季○子○何○矣○邾○婁○之○孫○莒○國○之○奔○囂○齊○也○因○以○囂○季○子○也○  
季○子○可○謂○善○藏○其○用○矣○



二十有八年臧孫辰告糴于齊

傳。告糴者何。請糴也。何以不稱使。以爲臧孫辰之私行也。君子之爲國也。必有三年之委。一年不熟。告糴。讓也。

或曰。告糴于齊。公實命之。而詭其詞于臧孫。故曰告糴。讓也。然曰糴于齊。易之詞也。猶之藏之外府而取之云爾。無過糴桓志也。

二十有九年春新延廢

傳。新延廢者何。脩舊也。脩舊不書。此何以書。讓也。何讓爾。凶年不脩。

馬重于民  
則將軍歟  
食人矣

脩廩不諱。以爲功費輕。非也。若曰築郿。猶可言也。脩廩不可言也。古有年饑興大役。以救民者。猶之以民之財爲民築之也。脩廩則已私矣。以爲馬重于民矣。

三十年秋七月齊人降鄆

傳。鄆者何。紀之遺邑也。降之者何。取之也。取之則曷爲不言取之。爲桓公諱也。外取邑不書。此何以書。盡也。

紀亡二十八年矣。而鄆至今。所謂頑民之義也。侯之大去。姬之歸。鄆或于鄆乎。託迹焉。是時襄豈難下一鄆也。者。夫固曰。吾以討九世之仇。爾故畱鄆。以自明也。桓而

救而曰次  
救之不力  
也故曰紀  
非齊滅之  
魯滅之耳

公羊墨氏 卷上 三  
悉取之。非襄意矣。故曰盡也。其曰齊人惡其盡也。前書  
曰公次于郎。此又書曰師次于成。前救紀而不能。今救  
鄆而不得。夫子欲存鄆以存紀也。故于魯乎致憾焉。爾  
也。

### 冬齊人伐山戎

傳。此齊侯也。其稱人何。貶。蓋以操之爲已蹙矣。  
何以不言戰。春秋敵者言戰。桓公之與戎狄。驅之  
爾。

桓北伐山戎。荆令支。斬孤竹而南歸。幾滅其類矣。故曰  
操之爲已蹙也。其伐之何。戎非桓敵也。戎非桓敵而曰

人者何爲燕辟地也。且貪戎菽也。辟地以悅燕。而勤師。遠襲母乃憊。與以山戎爲不當。齊桓玉趾之詢也。罪之乎惜之也。

閔公

元年冬齊仲孫來

傳。齊仲孫者何。公子慶父也。曷爲謂之齊仲孫。繫之齊也。外之也。子女子曰。以春秋爲春秋。齊無仲孫。其諸吾仲孫與。

季與慶不兩立之勢也。盟姑洛以迎季。緩魯難以縱慶。桓之爲魯謀也。不已疏乎。始而容之。逋藪也。旣而縱之。

黨賊也。故書曰：季子來歸。嗣書曰：齊仲孫來。非以累季也。以累齊也。

二年夏五月乙酉吉禘于莊公

傳。其言吉何言吉者。未可以吉也。曷爲未可以吉。未三年也。吉禘于莊公。何以書。譏何譏。爾譏始不三年也。

吉禘無親。始不三年。無子。閔之罪何辭焉。愚竊有疑于禘之說也。或曰。魯禘于何始。于閔之吉禘于莊公始。故詩人頌之曰。周公之孫。莊公之子。可知也。或曰。非也。周公以叔父之親。負屨以行。天子事成之禘。公成之所以

明堂位篇  
侈大其辭  
類皆誕妄  
欲尊周公  
因以誣成  
王可乎魯  
之禘魯自  
僭耳聞則  
其作俑也

報爾不然。孔子也。而可以天子之禮樂祭。豈周公也不  
可以天子之禮樂報哉。夫以禘爲始于禘莊公而非也。  
若夫魯羣廟之禘。則自禘莊公始也。至謂周公宜以天  
子之禮樂祭。亦侈大之言耳。周公之禘。非以其有功乎。  
以爲有功而崇之。則亦可有罪而黜之矣。鯀負殛罪。以  
死而配食上帝。又謂之何。諸侯之祖爲諸侯。天子之祖  
或爲庶人。禮從子不從父。所謂君臣之義也。至于諸侯  
之祖。明有大功。天子之親。功罪混列矣。然王者禘其始  
祖。諸侯及其太祖。子孫不得以功罪加其祖考。所謂父  
子之倫也。成之禘。公于君。臣父子何居焉。然而成之賜

之○猶○曰○藉○是○以○伸○吾○叔○父○也○云○爾○且○負○展○以○朝○隱○然○天  
子○焉○惟○吾○叔○父○應○爾○此○豈○許○旁○及○他○廟○者○乎○若○夫○閔○之  
禘○莊○則○實○開○罪○于○成○而○釀○釁○于○後○者○也○由○是○而○類○舉○由  
是○而○效○尤○幾○爲○姦○雄○者○藉○口○成○之○賜○與○伯○禽○之○受○亦○應  
悔○之○矣○始○也○諸○侯○擬○天○子○繼○也○大○夫○擬○諸○侯○又○其○繼○也  
大○夫○專○有○之○而○忘○其○爲○天○子○爲○諸○侯○昭○二○十○五○年○禘○于  
襄○萬○二○人○其○衆○萬○于○季○氏○已○可○知○矣○孔○子○曰○吾○不○欲○觀  
曰○周○公○其○衰○抑○致○憾○作○俑○者○而○痛○哭○言○之○乎○

秋八月辛丑公薨

傳○公○薨○何○以○不○地○隱○之○也○何○隱○爾○弑○也○孰○弑○之○

以刑公  
論刑季  
之罪不  
明厚子  
而明厚  
賊則薄  
君父厚  
聖父則  
非則薄  
道曰親  
乎哉

公子慶父也。何以不誅。緩追逸賊。親親之道也。

周公之子管蔡。非兄乎。是時僅流言耳。而東山之討。何其決也。蓋爲君父討賊。斷斷乎不容少姑息也。且恐一姑息而蔓。將未可測也。故防之于其先。子般可以無死。圖之于其後。閔公可以無弑。乃一則曰使若託疾以死。親親之道。再則曰因獄有所歸。親親之道。又再則曰緩追逸賊。親親之道。親親而慶父之姦益肆矣。一弑再弑。謂非季子釀成之也可乎。或曰周公以叔父之尊。挾負展之勢。以臨管蔡。卵靡耳。季何以當諸曰。莊公以病召季。已明授季以國柄。而且以姑洛之盟翼之。寧不足聲



公三  
罪致討。協齊以制其死命。乃養虎以縱其噬。而徐除之。不巳。晚乎。故定魯之功。不能不歸之季子。而養賊之罪。亦不得不歸之季子。何也。曰。季子賢者也。春秋責備賢者。以繩賢也。

僖公

元年秋七月戊辰。夫人姜氏薨于夷。齊人以歸。

傳。夷者何。齊地也。其言齊人以歸。何。桓公召而縊殺之。

姜與弑公。桓召而縊殺之。討弑君之賊也。則曷爲討姜氏而不討慶父。人人得而討之。且季子在焉。子不母討。

是則可謂  
親親之道

僖之請媚  
齊也

而桓討之。愛魯侯乎。姜氏也。親親之道也。與。

十有二月丁巳。夫人氏之喪。至自齊。

傳。夫人何以不稱姜氏。貶曷為貶。與弒公也。貶必于重者。莫重乎其以喪至也。

邾婁氏之母死。何為入于魯氏之廟乎。故曰莫重乎其以喪至也。或曰。譏齊桓也。僖公請而葬之。桓何與焉。

二年夏五月辛巳。葬我小君哀姜。

傳。哀姜者何。莊公之夫人也。

稱之異邦曰寡小君。曰葬我小君。蓋借言以警齊也。諱之也。哀姜者何。莊公之夫人。蓋至是而有其夫人云爾。

隱之也。且僖公志也。

虞師晉師滅夏陽

傳。虞微國也。曷爲序乎大國之上。使虞首惡也。曷爲使虞首惡。虞受賂。假滅國者道以取亡焉。

荀息假道于虞。虞公許之。且請先伐虢。故曰使虞首惡也。其首惡奈何。貪而好寶。而爲荀息圖也。不然。夏陽塞邑也。晉奈虢何。雖然。虞之貪璧。虢之賀夢。一爾。晉襲爾門。帝已命之。夫帝固借晉以亡虞。而先借虞以亡虢者也。然則荀息功乎。夫舟之僑宮之奇。百里奚。此三臣者。誰之不如之奇之辟西山也。僅其身免也。之僑奔晉佐。

晉軍矣。惜也。其越仇國也。奚之奔秦。烈乎哉。借秦以報。晉而以奔走。獻而以奔走。息而以扞吾亡國之忿。快矣。卽奴苟息而鞭之可矣。

四年春王正月公會齊侯宋公陳侯衛侯鄭伯許男曹伯侵蔡。蔡潰。遂伐楚。次于陘。夏楚屈完來盟于師。盟于召陵。

傳。○屈完者何。楚大夫也。何以不稱使。尊屈完也。曷爲尊屈完。以當桓公也。曷爲再言盟。喜服楚也。其言來何。與桓爲主序續也。

尊屈完以當桓公也。何以當桓公。喜服楚也。楚服而中。

首屈完以  
齊桓以尊  
周室尊周  
室所以大  
一統也故  
曰春秋之  
旨

華有疆宇。士紳有冠帶。帝王有閏位。其曰喜服楚者。春  
秋喜之也。其曰與桓爲主序績也。則桓之績乎。孔子曰。  
微管仲。吾其被髮左衽矣。夫桓公之績。皆管氏耳。則春  
秋何以不一見之。夫欲見齊侯于天下者。春秋之旨也。  
聚天下專美以奉之。桓而桓尊。桓尊而中國尊矣。而周  
室尊矣。春秋之旨也。雖然。楚服矣。楚實未始服也。方城  
漢水。何齊侯之有。八月公至。自伐楚。已可知也。其後楚  
莊代霸。而鞭笞諸夏。屈完之對。亦其氣餒之取也。夫

齊人執陳袁濤塗

傳。濤塗之罪何。辟軍之道也。濤塗謂桓公曰。君

屈完之來  
試桓耳而  
桓即將執  
成功若出  
東方楚師  
必踵其後  
故以陳為  
黨楚執其  
人又代上  
國何見之  
晚也

既服南夷矣。何不還師濱海。而東服東夷。且歸桓  
公曰諾。大陷于沛澤之中。顧而執濤塗。  
桓之功莫盛于伐楚。亦莫危于伐楚。何也。楚子強項不  
與盟。而屈完之辭復傲狠不順。方城漢水。齊固無奈楚  
何也。是時諸侯之兵畢在。豈無有窺其微而思中杠者。  
袁濤塗其類也。且濤塗曰。君既服南夷矣。何不還師濱  
海。而東服東夷。且歸。夫東夷者何。郟莒徐夷之屬也。蔡  
姬興伐。寺貂漏師。師老而遇新敵。而又強楚為之援。一  
不勝而萬有餘喪。微申侯幾不免矣。不此是慮。至東陷  
沛澤。乃始顧而執濤塗乎。晚矣。春秋喜之甚。故危之甚。

其曰齊人愛齊侯乎。濤塗也。猶之愛齊侯乎。山戎也矣。

七年夏鄭殺其大夫申侯

傳。其稱國以殺何。稱國以殺者。君殺大夫之辭也。

議論獨斷

買友以悅齊美城以逼鄭專欲而不厭申侯亦自殺其  
軀爾于宣仲乎何尤雖然申侯于友則不必忠而于齊  
桓則已忠也微申侯幾不免矣春秋喜齊桓因以喜申  
侯也曰大夫申侯以齊桓之命子之也曰鄭殺其大夫  
申侯無專殺大夫也以齊桓之命治之也蓋重錄其與  
齊合之多欲臣而深惡其與楚合之逃盟主春秋之旨

嚴矣

八年春王正月公會王人齊侯宋公衛侯許男曹伯陳世子款鄭世子華盟于洮鄭伯乞盟

傳○乞盟者何處其所而請與也蓋酌之也

疑殺摘伏  
燭照如神

越人剔齒○胡人彈臂○中國歃血○爲信一爾○夫盟已爲忠信之薄○况遣使挹血○以自解免乎○殺申侯以悅齊○怨子華而德齊○詭焉爾○非其心也○陽與齊而陰與楚○猶之無盟爾○故聖人去其使而定之○以自乞惡之也○十八年鄭首朝楚○二十一年以三夫人勞楚○子于柯澤○又享之○九獻翼楚○以弱中國而已○亦受其醜○詩曰○戎狄是膺○荆舒



是懲用夏變夷鄭首在懲之例矣。

九年九月戊辰諸侯盟于葵丘

傳。桓之盟不日。此何以日。危之爾。貫澤之會。桓公有憂中國之心。不召而至者。江人黃人也。葵丘之會。桓公震而矜之。叛者九國。

葵丘之會。桓震而矜之。叛者九國。神者告之矣。孔宰父。其先見者。也不務德而勤遠略。然哉。十五年齊師曹師伐厲。或曰伐厲以救徐也。或曰惡其叛天子也。叛者九國。江人乎。黃人乎。厲人乎。楚人伐黃。齊不能救。管大夫之言驗矣哉。

十年春晉里克弑其君卓子及其大夫荀息  
傳。及者何。累也。弑君多矣。舍此無累者乎。曰有。  
孔父仇牧皆累也。奚齊卓子者。驪姬之子也。荀息  
傳焉。獻公病將死。謂荀息曰。士何如。則可謂之信  
矣。對曰。使死者反生。生者不愧乎其言。則可謂信  
矣。獻公死。奚齊立。里克弑奚齊。荀息立卓子。里克  
弑卓子。荀息死之。荀息可謂不食其言矣。

孔父之義形于色。仇牧之不畏強禦。荀息之不食言。皆  
無救于君而皆及于難。然而吾獨以仇牧爲正。則何也。  
孔父以室家致禍。荀息以立庶自殃。仇牧之手劍而叱

前息有知  
當亦辨其  
死之晚矣

補筆法

公羊傳

卷上

三

萬也。不猶之稗雞搏狸。乳犬噬虎哉。精誠之至矣。故曰。正也。荀息之死得矣。吾病其不死。奚齊而死。卓子夫立。奚齊公命也。立卓子非公命也。立奚齊已不正矣。而又立其非公命者以誣公。而以動公子。而以脅諸大夫。而又再及于難。而後死死不亦病乎。且其對君曰。使死者反。生生者不愧乎其言。夫立卓子先公未聞此言也。奚齊死公實聞此言也。而不死卓子死公實未聞此言也。而。死之以是爲不食其言乎哉。然則公羊何以傳三人者。同而津津賢之者。亦同曰。以訓世也。口血未乾。暮而悖之。况生死之際乎。濟則君之靈不濟則以死繼之。烈。

矣。

夏晉殺其大夫里克

傳。孰立惠公。里克也。里克立惠公。則惠公曷爲殺之。惠公曰。爾既弑夫二孺子矣。又將圖寡人。于是殺之。

討賊公殺也。國寡人。私情也。私情殺之。里克亦不。作其罪耳。

克實弑二君。而予之大夫者。何不與惠公討賊也。公固曰。爾既殺夫二孺子矣。又將圖寡人。然則不圖寡人。遂與之共國而治矣。故曰。不與惠公討賊也。且惠之殺克也。非徒自解也。以防重耳之入也。晉殺其大夫。丕鄭父。丕言于秦伯曰。若重耳以召之。臣出晉君。君納重耳。丕

克黨也。重耳不立。克意未已。能無殺乎。齊桓。晉文。春秋之所喜也。于晉文之不言出入。愈可知矣。于齊則悖。糾之管仲而不少。貶愛桓也。因以愛仲也。于晉則弑二君之里克而不去其官。愛文也。因以恕克也。雖然。宋萬之弑其君接也。任其出奔陳。而僅以賂得之。華督之弑其君與夷也。齊陳鄭爲之保姦。而終以相宋矣。此又夫子之所大恐也。

十有四年夏六月季姬及郇子遇于防。使郇子來朝。傳。郇子曷爲使乎。季姬來朝。內辭也。非使來朝。使來請已也。

文○姜○可○以○會○莒○子○哀○姜○可○以○會○齊○侯○季○姬○獨○不○可○遇○鄆○  
子○乎○家○法○固○然○又○何○尤○或○曰○魯○秉○周○禮○男○女○之○際○豈○若○  
是○甚○乎○吾○謂○魯○甚○焉○爾○且○業○已○許○邾○婁○矣○而○悔○其○婚○其○  
後○邾○婁○忿○鄆○而○執○之○而○用○之○奪○妻○辱○國○鄆○亦○何○利○焉○他○  
日○書○鄆○季○姬○卒○又○曰○書○其○卒○而○奪○其○葬○以○是○爲○聖○人○微○  
旨○哉○吾○謂○會○鄆○子○在○十○四○年○之○六○月○歸○鄆○在○十○五○年○之○  
九○月○卒○在○十○六○年○之○四○月○不○兩○載○間○而○俄○衞○嫁○俄○情○  
婚○俄○天○折○天○忌○誨○淫○豈○不○然○哉○嗟○乎○哀○姜○鶉○奔○而○刑○殺○  
之○季○姬○自○薦○而○疾○殺○之○男○女○之○際○可○以○凜○矣○

秋八月辛卯沙鹿崩

傳。沙鹿者何。河上之邑也。其言崩何。襲邑也。何以書。記異也。外異不書。此何以書。爲天下記異也。襲者入也。陷入也。又盜襲也。言取其邑以淪諸河。似盜襲之者。然所謂盜帝之息壤也。爲天下記異也。猶之記外異也。云爾。卜偃曰。期年將有大咎。國幾亡。自是晉事解者。以齊桓夷狄宋襄之事實之泥矣。

十有五年九月己卯晦震夷伯之廟

傳。晦者何。冥也。震之者何。雷電擊夷伯之廟者也。夷伯者。季氏之孚也。其稱夷伯何。大之也。曷爲大之。天戒之故大之也。

夷伯者季子之孚也。則借夷伯以警季氏乎。季氏不知也。且季友之定難而小心事主。終身一日也。或曰其明年公子季友卒。以告變也。則曷不于季氏之廟也。者而告之。至于僖公蔽于季氏。季氏蔽于陪臣。取百年後未有之事。而強券之。不亦誣乎。展氏有隱慝焉。故天戒之得之矣。

十有一月壬戌。晉侯及秦伯戰于韓。獲晉侯。

傳。此偏戰也。何以不言師敗績。君獲不言師敗績也。

韓之戰。曲在晉。何以侯之而不人以禦秦也。三十有三



年○秦○人○入○滑○其○謂○之○秦○何○夷○狄○之○也○直○在○秦○故○曰○秦○伯○  
秦○而○伐○中○國○故○曰○晉○侯○猶○之○不○與○夷○狄○之○執○中○國○意○也○  
十○有○六○年○春○王○正○月○戊○申○朔○貢○石○于○宋○五○是○月○六○鷓○  
退○飛○過○宋○都○

傳○曷○謂○先○言○貢○而○後○言○石○五○石○六○鷓○何○以○書○記○  
異○也○外○異○不○書○此○何○以○書○爲○王○者○之○後○記○異○也○

曲爲之解  
有情便說

爲○王○者○之○後○記○異○宋○殷○後○也○星○貢○鷓○退○求○霸○失○國○之○兆○  
乎○白○馬○來○而○宋○國○封○石○鷓○倪○而○宋○祚○促○夫○子○殷○人○也○有○  
無○窮○歎○噓○者○矣○叔○輿○曰○是○陰○陽○之○事○非○吉○凶○所○生○以○存○  
衛○家○言○則○可○以○示○有○國○者○則○不○可○不○然○明○年○齊○有○亂○君○

得諸侯不終又何鑿鑿也。

十有八年五月戊寅宋師及齊師戰于鹹齊師敗績傳。曷爲不使齊主之與襄公之征齊也桓公死豎刁易牙爭權不葬爲是故伐之也。

豎刁易牙爭權立無虧也。所恨立無虧者徒以豎刁易牙耳。無虧故衛姬出衛姬實長諸姬何以不得立且公實許之又可悔乎屬孝公于宋襄是明誨之亂矣。或曰孝公賢也。然終孝之世而不能振霸業爲先人光也。乘宋襄之敗泓也。則加之兵先君之子七人爲七大夫于楚。先大夫管仲之裔聽其亡入楚。後管脩爲楚所殺而

數其罪案  
孝亦何辭

鄭奪邾婁  
信有罪矣  
邾則鄭身  
罰已重矣

公三十二年夏六月己酉邾婁人執郕子用之  
斬其祀。孝實。宋立而乘之。不祥。公族之不能撫輯。不仁。  
仲父之勳。而使其無後于齊。不義。其于無虧也。庸愈乎。  
然則宋襄之伐齊。非與生而許之死。而定之。霸者事也。  
微襄齊幾不國矣。故曰與襄公之征齊也。

十有九年夏六月己酉邾婁人執郕子用之

傳。惡乎用之。用之社也。其用之社奈何。蓋叩其  
鼻以血社也。

社者次睢之社。妖鬼。非周社也。此僅叩鼻血社爾。豈真  
殺之爲犧也者。夫孰使邾人執之。宋公也。邾人實畜怨  
于郕人。而藉口宋襄以逞其毒。人知郕子爲邾人用之。

傳公本轉  
是女爲嫡  
後以齊女  
爲夫人而  
宣之

鬼而不知。宋襄爲邾人用之。讐也。以宋公爲愚虐矣。

二十年五月乙巳西宮災

傳。西宮者何。小寢也。小寢則曷爲謂之西宮。有西宮則有東宮矣。西宮災何以書。紀異也。

解之者曰。楚女廢在西宮。悲愁怨曠之所生。一楚女也。而捷爲之應。如此乎。則他日共姬之死。又何也。怨曠之。女。天借火以憐之。而貞節之婦。天假火以斃之。何火之有情于楚女。而無情于宋姬耶。

二十有一年冬。楚人使宜申來獻捷。

傳。此楚子也。其稱人何。貶曷爲貶。爲執宋公貶。

宋公與楚子期以乘車之會。公子目夷諫曰：楚夷國也。疆而無義，請君以兵車之會往。宋公曰：不可。終以乘車之會往。楚人果伏兵車，執宋公以伐宋。宋公謂公子目夷曰：子歸守國矣。國子之國也。于是歸設守械而守國。楚人謂宋人曰：子不與我國，吾將殺子君矣。宋人應之曰：吾賴社稷之神靈，吾國已有君矣。楚人知雖殺宋公，猶不得宋國，于是釋宋公。

鹿上之盟。楚誘宋而致之，而未即執者，亦恃有齊耳。霍之盟，齊人不至，陳蔡鄭許皆楚黨也，而曹又宋之仇，執

目夷始終  
讓國始則  
當讓而讓  
終以不讓  
為讓

宋公以伐宋亦楚人應至之謀耶。襄猶硜硜執乘車之說。以自誣可笑也。其曰國子之國也。目夷曰國固臣之國也。又曰賴社稷之靈。國已有君矣。楚居宋公為奇貨。而宋恬然應之。使之抱空質而負不義之名。則襄于敗。刦之餘。而謀有卓然者。終于復國。有以也。嗟乎。喪君有君。失國復國。忠臣苦心。故非衆人所與知。如公子目夷輩。其可少哉。

二十有二年冬十有一月己巳朔。宋公及楚人戰于泓。宋師敗績。

傳。宋公與楚人期戰于泓之陽。楚人濟泓而來。

有司復曰請迨其未畢濟而擊之。宋公曰不可。吾聞之也。君子不厄人。既濟未畢陳。有司復曰請迨其未畢陳而擊之。宋公曰不可。吾聞之也。君子不鼓不成列。已陳然後襄公鼓之。宋師大敗。故君子大其不鼓不成列。臨大事而不忘大禮。有君而無臣。以爲雖文王之戰亦不過此也。

霍之覆轍。襄應悔之矣。泓之戰而猶曰君子不厄人。不鼓不成列。謂雖文王之戰不過此。然乎昔西伯治兵于畢。得呂尙爲師。文王之戰太公教之也。陰符六韜正乎。奇乎西伯伐密伐崇在得太公之後。則文王之戰法大

迂儒可與  
傳聞見而  
不可與論

略可知矣。子反之釋宋荀子之圍鼓皆有餘力以制其敵。故姑爲之迂闊以示暇而迂儒遂僣而誇大之可嗤也。子魚太公之亞也。而曰有君而無臣乎。君子律君臣。子宋謂之有臣無君可矣。

二十有三年春齊侯伐宋圍緡

傳。邑不言圍。此其言圍何疾重故也。

非大人之力不至此。乘其敗而觀之。兵以重其傷而速其亡。所以報耶。或曰夏五月卒。傷于泓故也。吾則曰逼于齊故也。君子以齊侯爲已甚矣。

二十有八年春晉侯侵曹晉侯伐衛



或說本胡傳

情善人神發前人所未發

其曰再言晉侯非兩之也者非也。或曰再言晉侯。譏復怨也。則何不人之而侯之也。吾謂兩稱晉侯。見晉侯于天下也。桓公之業衰矣。而宋又不終乎霸。憂中國者何人。夫子曰有人矣哉。晉侯是也。喜之再故稱之。再也書之。重辭之復。其中必有美者焉。固夫子之言也。

夏四月己巳。晉侯齊師。宋師。秦師。及楚人戰于城濮。楚師敗績。

傳。此大戰也。曷爲使微者。子玉得臣也。子玉得臣。則其稱人何。貶曷爲貶。大夫不敵君也。

可謂自相  
矛盾

渙然冰釋  
勢極自斃

城濮之師。召陵之師。一爾。召陵之師。則曰楚屈完來盟。于師。此曰及楚人戰于城濮。傳曰曷爲使微者。又曰大夫不敵君。夫屈完非大夫乎。尊屈完以當齊桓。賤得臣以避晉文。有兩說乎。吾謂于其受盟也。則大夫之貴之也。于其戰也。則人之賤之也。其義一爾。夫子王之賤焉。何也。晉車七百乘。實五萬二千五百人。楚惟圍宋之師。益之東。廣西。廣與若敖之六卒而已。兵之多寡不敵也。晉之謀中軍也。說禮樂而敦詩書。子玉剛而無禮。師之貴賤不敵也。原軫胥臣欒枝輩與晉君實股肱心膂。乃楚王曰無從晉師。而子玉必間執讓口。請戰怒王。君臣

之乖和。又不敵也。夫操此三不敵。而子玉又何以戰。微楚之惠不及此。亦恃晉之不我背耶。不知三舍避之。晉誘我耳。喜賂怒頑。文之無楚久矣。是子玉先自敗楚師。非晉之能敗楚師也。故曰稱人以賤之也。雖然陳蔡奔右師。潰而中軍。獨完子玉之才。豈出欒枝諸人下。及連穀之死。而晉侯喜曰。莫余毒也。則子玉之爲子玉可知。已陽處父之侵蔡也。夾泚而軍。子上欲涉。大孫伯持之力。卒以完師。虎子之不墮武也。奇哉。

冬晉人執衛侯歸之京師

傳。此晉侯也。其稱人何。貶曷爲貶。衛之禍。文公

教爲下者  
以誠基不  
義也齊桓  
尚假仁義  
晉文則非  
玉假焉風  
斯下矣

爲之也。文公逐衛侯而立叔武，使人兄弟相疑，放乎殺母弟者，文公爲之也。

衛之禍，文公爲之。逐衛侯，立叔武，使人兄弟相疑，放乎殺母弟也。則是衛侯無罪，衛侯之罪皆文公之罪。爾自我釀成其罪，而自我責之，善斷者亦何以治此獄乎？或曰：衛侯之見執，以元咺之愬也。則謂元咺之執其君，亦可也。開人以釁而苛繩之，是不仁也。助其臣以執其君，是教爲下者以貳也。故晉文執衛侯以治衛，而聖人稱晉人以治晉。春秋之貴自治也。若此。

三十有一年春取濟西田

傳。惡乎取之。取之曹也。曷爲不言取之曹。諱取同姓之田也。晉侯執曹伯。班其所侵地于諸侯。則何諱乎取同姓之田。久也。

則何諱乎取同姓之田。久也。久也者。所謂前此矣。失之久。得之久也。魯而取之。是探曹之懷中而取之云爾。故曰取也。曹田而不言取之。曹晉與之也。晉與之而不言取之。晉故曹田也。所謂無名之獲。君子惡之也。然則魯取之而不言魯取。去魯以存魯也。其存魯奈何。魯尙親親。諱取同姓。夢周公者爲之諱也。

夏四月。四卜。郊不從。乃免牲。猶三望。

傳。曷爲或言三卜。或言四卜。三卜禮也。四卜非禮也。求吉之道三禘嘗不卜。郊何以卜。卜郊非禮也。卜郊何以非禮。魯郊非禮也。猶者何。通可以已也。

董子曰。天者百神之君。王者之所最貴也。郊必以正月上辛者。言以所最尊貴。首一歲之事。傳曰。三卜禮也。四卜非禮也。此亦卜不襲吉之說爾。不知禮常祀不卜。又啓蟄而郊。又卜日而始卜牲。今郊常祀也。而用卜。至夏而始卜郊。既牲成而卜郊。均之乎非禮也。而且不郊而祭山川百神。其何享焉。夫天子之不可不祭天也。猶人

鄭義謂耕  
田是祭上  
命所用

公羊墨束

卷上

十一

之不可不食也。既免牲而猶三望，是猶不食父而食其庶孽，以爲不失吾所以事父之意也。云爾，何逆禮如之？故春秋備書之，志譏也。然則郊于何始？或曰：文王之伐崇也，郊而後伐。詩曰：濟濟辟王，左右奉璋。奉璋戕戕，髦士攸宜。夫王者受命則郊，周雖其命維新，猶然諸侯也。而已儼然用郊矣。豈王命得專征伐，錫之九命，并郊禘而錫之乎？由是推之，則郊禘固周家侯封時舊典耳。魯而用之，亦僅舊典之仍耳。此又何待成王之賜？卽成王賜之，亦曰報功固然。若曰：吾西伯可得之，商王吾伯父何不可得之？于余小子，昔質之文王而安，則今質之。

周○公○而○亦○安○者○也○後○人○嗷○嗷○罪○案○亦○安○得○起○古○人○而○問○  
之○或○曰○周○公○其○衰○孔○子○之○歎○非○乎○曰○斯○亦○惡○夫○效○尤○焉○  
而○藉○口○周○公○者○也○入○太○廟○每○事○問○曰○是○禮○也○孔○子○以○爲○  
是○禮○而○後○儒○以○爲○非○禮○則○吾○不○知○之○矣○

冬杞伯姬來求婦

傳○其○言○來○求○婦○何○兄○弟○辭○也○其○稱○婦○何○有○姑○之○  
辭○也○

逆○婦○姜○于○齊○何○其○速○婦○之○也○以○譏○公○也○此○曰○杞○伯○姬○來○  
求○婦○何○其○速○婦○之○也○公○實○許○之○婦○也○亦○以○譏○公○也○則○何○  
以○不○譏○伯○姬○不○譏○杞○桓○而○譏○公○者○何○魯○杞○之○非○匹○也○久○

杞于春秋  
後而伯姬  
謂而說者  
謂時王所



翻恐未必  
然用夷禮  
則夷之自  
春秋編取  
之義也

公羊傳曰。卷上  
矣。魯杞何以非匹。三恪之裔也。而襲夷禮。卑杞入杞。不  
與人數焉。且脩春秋者。貶其爵矣。而許之。婦母乃驅女  
而夷狄之乎。其曰兄弟者。明乎非兄弟。而兄弟之也。其  
曰有姑之辭。明乎非姑。而姑之也。皆公之爲也。故曰以  
譏公也。

三十有三年夏四月辛巳。晉人及姜戎敗秦于殽。  
傳。其謂之秦何。夷狄之也。秦伯將襲鄭。百里子  
與蹇叔子從其子而哭之。秦伯怒曰。爾曷爲哭吾  
師。弦高者。鄭商也。遇之。殺矯以鄭伯之命。而犒師  
焉。晉人與姜戎要之。殺而擊之。匹馬隻輪無反者。

進一層說

或曰。襄公親之。其稱人何。貶君在乎殯而用師。危不得葬也。詐戰不日。此何以日盡也。

秦何以不言師不成乎師也。違蹇叔而貪是勤一也。輕而無禮二也。勞師以襲遠三也。遠主備之而三帥被禽四也。不哀晉喪而伐同姓五也。故曰夷狄之也。則蹇叔之哭師。毋乃戇乎。阻軍心者殺無赦。蹇叔曰。苟使吾君怒哭師者之不祥。回師焉而戮我。以狗亦甘之矣。而無如秦穆之復也。師行千里。其誰不知。卽微弦高鄭終備之耳。非晉敗秦。實自敗也。已晉之稱人何。君在乎殯也。或曰。曲沃之柩聲未敢忘也。是以忍而至此。夫忘親

之○三○聖○身  
一○九  
三  
悖○惠○去○秦○之○夷○狄○幾○何○詐○戰○不○日○而○此○日○之○盡○也○君○子○  
正○惡○其○盡○矣○